



Joannes Donati



Pintor, su mannan ta expresa su Inspiracion y Talento pa su mayor gloria.

Un pintor cu definitivamente merece un mihor reconocimiento den e mundo artistico, Joannes ta un pintor di naturaleza, e a yega di tuma diferente curso, pero su real diploma ta e calidad y fineza den tur su pinturanan, cada cuadro ta un diploma riba su mes.

Joannes ta conta nos:

"Mi por conta boso cu tempo mi tabata mucha y awo cu mi ta grandi, mi por comprende hopi cos, tempo cu mi tabata mucha atardi casi tur dia mi tabata bay pa fo y mi tabata sinta observa cosnan cu hopi atencion.

Mi por corda cu un biaha mi tabata biniendo for di scol y un coneu bula mi dilanti, akinan ma

keda casi dos siman tur dia mi tabata purba di pinta e escena ey te ora mi a logra pinta e coneu manera e la bula mi dilanti cu e mes un secuencia y asina cada rato mi tabata purba diferente pinturanan.



Cu e transcurso di tempo mi a caba scol y mi a bay traha como camicero na San Nicolas, akinan un dia mi a bin topa cu un buki cu tabata yama "Anyone can paint", mi a cumpra e buki aki y esaki tabata mi prome lesnan di pintamento.

Un tempo despues mi a bai studia serca meneer Pandelis kende tabata un pintor griego cu tabata biba aki na Aruba e a dunami diferente les, te ora bisami cu ya mi mester un scol mas alto pa sigui cu mi studio, e ora ey, mi a tuma un curso via post di International Correspondence School, cual mi a sigui cu cierto limitacionnan ya cu e tempo ey no tabata manera awor, si bo no ta traha, bo no ta biba.

Mi tabata pinta hopi pa bende cu turistanan y un biaha a bin Aruba un mericano for di merca, ayanan e la mira mi pinturanan y a keda impresionado y e la bin especialmente pa cumpra dos pintura cerca mi, e la consehami pa mi no bende mi pinturanan y pa mi traha un exposicion.

E mericano aki tabata un profesor di arte di un universidad na merca, y lo ke mas e la gusta ta mi forma di pinta natural, mi ta pinta lo ke a mi ta sinti y door di dje mi a cuminsa expone na aña 1981.

Sr. Jan Beaujon, kende tabata director na cas di cultura e tempo ey, a pidimi pa organiza un exposicion y ora un trahado a mira mi pinturanan e la bisami: Jan no ta bay gusta bo pinturanan pasobra mi ta pinta desnudos, pero ora Jan e la miranan e di cu mi Joannes mi ta bay traha un buki di tur bo obranan, pasobra nan ta hopi bon, pero desafortunadamente e no a logra.





pinturanan e la bisami: Jan no ta bay gusta bo pinturanan pasobra mi ta pinta hende sunu, pero ora Jan a miranan e di cu mi: "Joannes mi ta bay traha un buki di tur bo obranan, pasobra nan ta hopi bon", pero desafortunadamente e no a logra.

Sr. Leo Booi tabata un hende cu semper a apoyami y tambe a logra di promove arte grandemente, e tabata organiza concursionan di arte caminda no tabata tin mas lugar pa pone hende.

Un cos cu ni por a ripara ta cu actualmente no tin hopi interes pa pintura manera antes, na mi prome exposicion tabatin 11.000 visitantenan y na e ultimo mi por conta algun persona pa dia. Arte mester mas apoyo y concientizacion di e pueblo pa valora e cultura y e arte.

Na Hulanda mi a logra mira varios obra di Salvador Dali y mi a gusta su estilo Surrealista y kizas mi a identifica hopi cu e tipo di pintura aki.

Di con un artista di e calidad di Joannes Donati mester a biba di traha como coki?

"Esaki ta un pregunta cu nan a yega di puntrami den pasado, mi ta corda un biaha mi ta pasando dilanti e lugar di un señora cu mi tabata conoce, anto el a bisami: "Donati ki falta bo, un homber cu ta pinta manera abo ki bo ta haci cana bisti cu un bachi bisti di coki ta traha cuminda den cushina pa hende, pakico bo no ta pinta? Anto mi a bira bise, anto na Aruba kico mi ta gana cune".

ON THE AIR! Tabata hopi orguyoso di por a realiza e entrevista aki pa su seccion di arte, entrevistando un ciudadano cu ta un berdadero artista, un homber cu a surgi for di e humildad di su curazon cu e anhelo di simplemente por a logra pinta obranan bunita, y cu su talento a logra di para banda di e obranan mahestuoso di artistanan di renombre manera Salvador Dali.



Kizas number di Joannes Donati no ta uno mucho conoci pero definitivamente e historia di arte di Aruba no por laga pasa e oportunidad di reconoce e talento di e homber aki, kende kizas no awor, pero den futuro e lo por haya e lugar cu realmente merece como un di e pintornan mas grandi di Aruba.

Danki maestro Donati!
!



"Start your security before it's a crime"

**Alarm System - Alarm Monitoring
24 Hrs Back-up Patrol**

**Tel: (297) 820690 - Fax: (297) 820775
Cell: 940536
E-mail: benjamin@setarnet.aw**